

Пасха. Светлое Христово Воскресение. Тропарь, глас 5. Христос воскрес из мертвых, / смертью смерть поправ, / и сущим во гробех живот даровав.

Кондак, глас 8.

Аще и во Гроб снизшел еси, Безсмертне, / но адову разрушил еси силу / и воскресл еси, / яко Победитель, Христе Боже, / женам мироносицам вещавый: радуйтесь! / и Твоим апостолом мир даруй, / падшим подай воскресение.

Вмч. Георгия Победоносца. Тропарь, глас 4.

Яко пленных свободитель / и нищих защититель, / немощствующих врач, / православных поборниче, / победоносче, великомучениче Георгие, / моли Христа Бога / спастися душам нашим.

Ин тропарь, глас 4.

Подвигом добрым подвизался еси, / страстотерпче Христов, / верою и мучителей обличил еси нечестие, / жертва же благоприятна Богу принеслся еси. / Темже и венец приял еси победы / и молитвами, святе, твоими всем подаеши / прегрешений прощение.

Кондак, глас 4.

Возделан от Бога, показался еси благочестия делатель честнейший, / добродетелей рукояти собрав себе: / сеяв бо в слезах, веселием жнеши, / страдальчествовав же крвию, Христа приял еси / и молитвами, святе, твоими всем подаеши прегрешений прощение.

Мц. царицы Александры. Тропарь, глас 4.

Царства земного славу презревши, / Единого Христа, нас ради распятого, возлюбила еси / и, Того мужественно исповедаючи, / венцем мученическим увенчалася еси, / всеблаженная царице Александро. / Темже и ныне Престолу Царя славы на Небесех предстоящи, / молися о спасении душ наших.